

彖  
虫

勺

編

藝文編卷十目錄

三國志

裴松之註三國志

夏侯與諸曹合傳

管幼安古之逸民

蜀志先主傳

後主任賢之誠

曹魏受禪

帝蜀不始紫陽

仲達奸過魏武

晉書

晉書名氏多相同

晉帝多兄終弟及

晉書五行志

晉官品占田之制

晉不徙戎之憾

王導非純臣

以牛繼馬之誣

祖逖劉琨陶侃溫嶠

陶潛傳

淵明非陶侃曾孫

古今編卷十

嶺南遺書

番禺 凌揚藻 譽釗撰

三國志

惲氏敬曰秀水朱錫鬯氏稱陳承祚削魏氏受禪碑而詳書漢中王武擔山卽皇帝位文并羣臣勸進表爲以統與蜀此承祚意也後人讀史不尋始末較其書法所在據一端之偏卽深文斥之如謂史記尊黃老三國志帝篡竊古人豈任此耶敬反覆觀之復得數端可以發錫鬯氏之說史記漢書之法曰傳曰志曰表曰論曰贊承祚作史有傳無志表何也彼三國者不足當一代之制也蜀得國最後失國最先吳據江表魏以篡終始故皆奪之然蜀用漢儀

法無志表亦傳若吳魏之制皆不傳矣此奪之至也其以  
評易論而無贊何也吳魏之君臣皆亂世之雄耳贊之是  
長亂也蜀以討賊號天下故于楊戲傳載蜀君臣贊以別  
之是正于吳魏也其目書曰武帝操明帝叡何也與先主  
備吳主權同書也明魏之非帝而已魏非帝而蜀之宜爲  
帝人無有知之者故於蜀書曰後主禪於吳書三嗣主曰  
孫休孫亮孫皓吳者非蜀儕也吳非蜀儕魏又何得以蜀  
爲寇敵邪此與之至也春秋之義微而顯志而晦史記蓋  
得其意幾十之六七漢書得四五三國志得一二自晉書  
以下夏夏乎幾無有焉五代史知此法而不能用故書法  
必自爲論以道達之此史之所以不古若與

裴松之註三國志

晉治書侍御史巴西陳壽撰三國志世稱其敘事高簡有法張華尤善之元嘉時宋文帝嫌其畧命中書侍郎裴松之註之鳩集傳紀增廣異聞其多過本書數倍進表謂壽書銓敘可觀然失在於畧時有所脫漏臣務在周悉凡壽所不載而事宜存錄者罔不畢取所引書至五十餘種皆註出書名其大旨在搜輯之博以補壽之闕也故於魏之受禪劉虞辛毗華歆劉若輩之頌功德李伏許芝之上符瑞先後百餘人其文皆收入靡遺而不知適以失作史者之心也壽儕魏於吳蜀而名之曰三國意不欲指魏爲正統也明已其不得不爲魏立四本紀者以其時蜀入於魏

魏禪於晉壽身仕晉安能顯然尊蜀以干大戮乎

本竹垞陳壽論

觀其於魏受禪功德符瑞之文則盡削之於先主王漢中  
卽帝位羣臣請封之辭勸進之表告祀皇天后土之文則  
備錄之是明著昭烈之紹漢而予以天子之制姑聽後人  
之定論云爾而松之顧以其所削者爲脫漏過矣陳直齋  
謂大抵本書固率畧而註又繁蕪要當會通裁定以成一  
家而未有奮然以爲己任者豐祐聞南豐呂南公紹興間  
吳興鄭知幾近永康陳亮嘗從事於斯而皆未成書也

### 夏侯與諸曹合傳

魏志夏侯惇夏侯淵曹仁曹洪曹休曹真夏侯尚合傳惇  
子居曰武帝紀註引曹瞞傳及世語以操父嵩爲夏侯氏

之子于惇爲叔父後人謂承祚合傳夏侯曹以此此殊乖  
刺按傳太祖以女清河公主妻惇子楸而淵子衡亦尙太  
祖弟海陽哀侯女尙適室又曹氏女也操雖鬼蜮何至汙  
亂若此耶蓋二氏世爲婚姻惇淵有開國勲與仁洪休真  
等及其亡也爽與元先後誅夷大權始盡歸司馬氏故合  
傳之以觀魏氏興衰之所由乃作史定法也賈詡卑雜因  
諫易世子安危所係乃得與二荀同傳其諸亦此義與  
荀攸賈詡  
亦合傳

### 管幼安古之逸民

幼安名行高潔窮不失義生於魏境八十四歲仍終於魏  
而不爲魏臣青陽劉一峯曰管幼安古之逸民也當時薦

之者非一人聘之者非一至胡不出而博濟天下顧乃僻處海濱區區周人之急恤人之因爲耶蓋道之不行幼安已知之矣曹氏父子繼立果幼安北面之君乎苟攸賈詡在列果幼安比肩之友乎非君不事非友不友介介然屢徵不至得聖人之清與臣言忠與子言孝與弟言悌熙熙然言溫而貌恭得聖人之和幼安豈一節之士哉巢許隱於揖讓之朝達也夷齊隱於征誅之伐義也幼安隱於僭偽之世智也而義在其中矣達亦在其中矣

蜀志先主傳

讀史提要錄昭烈奔走間關百敗而氣不懾頗有高祖之風所遇又厄其創業視魏吳較難然第一流人物爲其所



得則千秋快事也惟纔得巴蜀卽自稱漢中王逮卽位武

擔

成都西  
北山名

聞費詩之言意若有大不然者此其心昭然可

見倘時勢利便得遂所圖必不能恬然自守以臣節終所  
云漢室傾頽奸臣竊命孤不度德量力欲伸大義於天下  
亦虛飾之詞耳非其實也武侯感三顧之誠挺身而出許  
以馳驅論者謂得出處之正顧其鞠躬盡瘁星隕營前原  
屬武侯之不幸萬一山陽未禪之先遂能誠操斬權中原  
大定伯仲伊呂者將何以處之此其際難言之矣

### 後主任賢之誠

牛舫老人曰後主禪固非令主然其任諸葛公有足多者  
焉攷諸葛治蜀政尙清明而後主不以爲嚴事無大小總

決於已而後主不疑其專出入中外典兵數十年而後主不疑其偏當其時豈無邪佞如黃皓者潛匿宮闈出師一疏所謂親賢臣遠小人亦有爲言之而卒不聞信彼疑此終孔明之世任不少衰此固伊尹不能得之於太甲周公不能得之於成王者而得之於後主後世但嗤其亡國之陋而沒其任賢之誠抑過矣

### 曹魏受禪

建安二十五年中郎將李伏太史丞許芝言魏當代漢見於圖緯魏羣臣因表勸進至是帝乃使御史大夫張音持節奉璽綬詔冊禪位於魏王丕丕卽帝位改元黃初大赦奉漢帝爲山陽公魏習云曹丕受禪時漢帝下禪詔及冊

書凡三丕皆拜表讓還聖綬李伏等勸進者一許芝等勸  
進者一司馬懿等勸進者一桓楷等勸進者一尙書令等  
合詞勸進者一劉廙等勸進者一劉若等勸進者一封國  
將軍等百二十人勸進者一博士蘇林等勸進者一劉廙  
等又勸進者一丕皆下令辭之最後華歆及公卿奏擇日  
設壇始卽位淮陰吳氏玉璽曰三代以後禪讓之事創行  
於魏雖心懷攫奪而猶必貌爲遜讓假諸臣之勸進以掩  
其迹又爲大書深刻以遮蔽天下後世之耳目公卿將軍  
上尊號奏  
及受禪表其文不載於魏志  
然二碑皆在許州今尙現存蓋知其心猶有杞梓不自安  
者至晉人師其故智沿及五季以天下位爲傳舍亦不更  
作此舉動矣趙耘崧曰曹魏欲移漢之天下又不肯居篡

弑之名於是假禪讓爲攘奪自此例一開而晉宋齊梁北齊後周以及陳隋皆倣之此外尙有司馬倫桓元之徒亦援以爲例甚至唐高祖本以征誅起而亦假代王之禪朱溫更以盜賊起而亦假哀帝之禪自曹魏創此一局而奉爲成式者且十數代歷七八百年真所謂奸人之雄能建非常之原者也

吳公路曰曹操迫脅君后無復臣禮逆節已顯會其病死故篡竊之惡漏在身後耳

### 帝蜀不始紫陽

自陳壽志三國而其時之作史者遂不知有漢如王沈之魏書魚豢之魏畧孔衍之魏尙書孫盛之魏春秋郭頒之魏晉世語皆是也獨習鑿齒不肯帝魏而撰漢晉春秋謂若以魏語代王之德則不足語靖難之功則孫劉鼎立共

王秦政猶不見敘於帝王况暫制數州之眾哉於是起漢  
光武終晉愍帝以蜀爲正魏爲篡而公道始申惜其書久  
亡其目五十四卷徒見諸唐藝文志而已以司馬溫公撰  
通鑑居洛十五年成書三百五十四卷而又有劉貢父劉  
道原范淳父爲之襄贊卒不能自拔於陳壽諸人之外卽  
歐陽永叔論正統仍不黜魏其賓客章望之著明統論非  
之而蘇子瞻又作正統論以駁望之非不往復明確然未  
足以厭天下後世之心自是承其謬者逾九百年至廣漢  
張敬夫撰經世紀年始以先主上繼獻帝爲漢而附魏吳  
於其下廬陵蕭常撰續後漢書起昭烈章武元年辛丑迄  
後主炎興元年癸未成帝紀年表列傳而吳魏皆別爲載

記然後千百年是非之公釐然復正此皆前乎紫陽而以章武接建安者也

仲達奸過魏武

曹爽以司馬懿爲太傅而奪之權懿恬然受之若毫不介意者爽方自喜爲得計然懿之謀於此日定爽之死亦於此日決矣懿與操周旋多年以操之多疑嗜殺雖楊修之徒亦必翦除之而後已而懿固恬然無恙也則操亦入其元中久矣操玩弄一世而懿更能玩弄操千古神姦不得不推懿爲第一曹爽乳臭小兒乃欲班門弄斧真可笑也

夏醴谷云

晉書

晉書一百三十卷唐宰相房元齡等修卷首題太宗御撰  
貞觀中太宗以何法盛等晉史未善詔房元齡褚遂良許  
敬宗再加撰次乃據臧榮緒書增損之後又命李淳風李  
義甫李延壽等十三人分掌著述敬播等四人考正類例  
西晉四帝五十四年東晉十一帝一百二年又胡羯氏羌  
鮮卑割據中原爲五涼四燕三秦二趙夏蜀十六國共成  
帝紀十志二十列傳七十載記三十例出於播天文律歷  
淳風專之元齡宣武紀陸機王羲之傳論上所自爲今太  
宗御製集獨載宣武二紀論而陸機王羲之傳論不預焉  
故曰制旨而總題其書曰御撰 四庫簡明目錄曰典午  
一代不乏名臣而御製贊者僅一工文之傳風旨可知其

畧實行而獎浮華忽正典而取小說蓋有由來以駢體爲  
譏猶未中其根株之說也

### 晉書名氏多相同

晉書中姓名相同者視諸史爲較多李仁卿謂有四王沈  
一見列傳第九卷一見文苑傳一爲劉聰中常侍一爲慕容  
寶將寶出奔沈降魏三孫秀一權弟匡之孫爲吳夏口  
督建衡二年奔晉爲驃騎將軍儀同三司封會稽公一見  
潘岳傳一伏波將軍孫秀卽勸周處謂卿有老母可以此  
辭者三劉允一爲江州刺史一曜之子南陽王也一與之  
子爲劉琨領兵路逢烏桓賊戰沒三王鑒一見列傳四十  
一卷一爲劉聰尙書令一爲苻堅將救袁瑾於壽春者三



張茂一爲涼州牧張軌之子實之弟也一見丁潭傳字偉  
康與孔愉字敬康丁潭字世康時號會稽三康一見石季  
龍傳二張華一見列傳第六卷一見慕容德傳時姚興拘  
慕容超母妻責超稱藩超遣羣臣計議華謂宜降大號以  
申至孝之情二徐邈一與宣帝同時一見簡文宣鄭太后  
傳二韓壽一賈充壻一慕容廆別駕二王渾一見列傳十  
二卷一爲涼州刺史貞陵亭侯卽戎之父也二李陽一上  
黨武鄉人與石勒鄰居嘗與爭麻池相毆擊者一幽州刺史  
京師大俠也溫嶠軍食盡陽說陶侃分米五萬石以餉  
嶠軍二胡威一見良吏傳一義熙二年秦王興徵王尙還  
長安涼州人申屠英等遣主簿胡威詣長安畱尙鎮姑熟

二孫登一見隱逸傳一見孫楚傳楚之曾孫註老子行於  
世仕尙書郎二解系一見列傳三十卷一見陶璜傳九真  
太守董元勇將二王興一趙王倫欲篡位諸王公卿士咸  
勸進左衛王興入殿論三部司馬示以威賞及三王舉義  
興乃收倫一成都王穎伐京都時常山人王興合眾萬餘  
欲襲穎會長沙王乂被執其黨斬興降二劉毅一見列傳  
十五卷一見五十五卷二王愷一見外戚傳恂之弟卽與  
石崇競侈靡者一見曾稽王道子傳二王潛一見列傳十  
二卷一見王鑒傳鑒之父也三王修一濛之子善隸書爲  
琅邪王文學一見石勒傳一劉裕留子義真守長安使王  
修王鎮惡沈田子輔之二王祥一見列傳第三卷一季龍

子二劉裕一元海子封齊王後爲呼延攸所殺一討桓元者二王瑜一爲李勢中書監一含之子也二盧志一欽之從孫見欽傳一爲劉聰弟父太師爲聰所誅二劉宣一元海從祖元海卽王位皆宣之謀一見劉聰傳二劉宏一見列傳三十六卷一挾左道惑眾見張實傳二王衍一見列傳十三卷一石鑒時爲侍中二王敦一見列傳六十八卷一見李特傳二周撫一訪之子破范賁斬蕭敬文者一爲彭城內史殺周默以降石勒者二王皮一劉聰時爲大將軍一秦丞相猛之子二文鴛一欽之子年十八勇冠三軍一見段匹磾傳二張駿一涼州牧卽軌之孫實之子也一姚萇故將殺江州都護趙毗焚武昌署府藏以叛者二王

遐一見外戚傳卽簡順皇后之父一睢陵公祥曾孫仕至  
鬱林太守二高柔一宣帝時誅曹爽假柔節行大將軍事  
領爽營一見王浚傳二王濟一見列傳十二卷一元帝時  
慕容廆遣其長史王濟浮海勸進二段勤一鮮卑人初附  
慕容儁其後復叛儁遣慕容垂討勤於繹幕始降一常山  
樹根下得珪璧儁遣尙書郎段勤以太牢祀之兩段勤俱  
見儁傳二郭敬一見石勒傳一見苻健傳二王述一湛之  
孫承之子坦之之父一遐之從子也二郭文一見隱逸傳  
一見呂光傳二王澄一字道深京陵公渾之子驃騎濟之  
弟一字平子平北將軍乂之子太尉衍之弟衍使澄爲荆  
州刺史族弟敦爲青州以備三窟

晉帝多兄終弟及

晉司馬師司馬昭相繼專魏政是開國時已兄弟相繼後  
惠帝以太子太孫俱薨立弟豫章王熾爲皇太弟卽位是  
爲懷帝成帝崩母弟岳立是爲康帝哀帝崩母弟奕立是  
爲廢帝海西公安帝崩母弟德文立是爲恭帝以後惟北  
齊文宣孝昭武成亦兄弟遞襲帝位然孝昭廢濟南王而  
自立武成廢樂陵王而自立非晉之依次而立也見廿二  
史劄記

晉書五行志

敬齋古今註曰五福六極皆指人事言之晉五行志說凶  
短折則謂人殤曰凶禽獸曰短草木曰折推原箕子之意

甯復有此若福極之事兼飛走草木而言之則夫五福之中若富與攸好德六極之中若憂與貧豈飛走草木亦有是耶

晉官品占田之制

傅莫菴曰晉平吳之後制官品占田之法第一品占五十頃第二品占四十五頃第三品占四十頃第四品占三十五頃第五品占三十頃第六品占二十五頃第七品占二十頃第八品占十五頃第九品占十頃而又各以品之高卑蔭其親族多者及九族少者三世唐宋猶有官品限田之法

晉不徙戎之憾

溫陵黃遠公謂徙戎之議郭欽言於武帝曰宜及平吳之

威漸移邊地惜乎其不能用也後江統亦言於惠帝之朝夫郭欽不能得之武帝豈江統能得之惠帝哉獨怪杜預時鎮襄陽張華與謀國政亦未有議及此者豈平吳之後天下無復事乎使羊祜尙存必有說以處此當不至五胡之亂如此其甚矣

### 王導非純臣

楊升菴曰王導非純臣也世徒見晉明帝以大義滅親褒之而實不然逆機弑械之萌蓋非朝夕導不能先啟元帝潛爲之備及敦至石頭導不聞有正言規之而受其司徒之擢君臣大義社稷爲重李懷光將反而其子瓘言於德宗君子以爲忠孝兩全導之於敦非父子比也而依違其

間坐觀成敗得爲純臣乎敦之兇悍勢已無可奈何導又在帝左右而王氏子弟布滿中外帝恐導攜心內應故舉春秋大義滅親之言實以安導心而散敦黨也夫大義滅親石碯是也碯子從亂碯手誅之謂之滅親可也導之於敦親非父子始也不能如李璿終也不能如石碯謂之滅親是欺天下後世矣敦之叛也元帝下詔云敢有捨王敦姓名而稱大將軍者軍法從事敦旣死導貽王含書猶云近承大將軍困篤綿綿或云已有不諱故違明詔而特伸私情此非敦反乃導反也導銜周伯仁敦旣得志問導曰周顗戴若思當登三司而導不答敦曰若不三司便應令僕而導又不答敦乃曰若不爾正應誅而導又無言二人



竟死夫敦之用周戴爲三司令僕欲使助已爲亂耳導當  
正言爵在朝廷非臣下所得專賞及其言應誅導當正言  
刑在朝廷非臣下所得專罰可也然導豈智不出此哉假  
賊手以戕忠臣其心不止報私怨而已使敦謀幸成則導  
能如朱全昱乎能如司馬孚乎吾知其不能也君尊臣卑  
如天高地下成帝幸導宅嘗拜導妻曾氏而導偃然受之  
不辭及侍中孔坦密表不宜導聞之怒曰王茂宏駕疴耳  
若卜望之之巖巖刁元亮之察察戴若思之峯岨當敢爾  
耶夫濱危亡之中而不失君臣之禮此趙襄子之所以賞  
周舍也導知君臣之義曾不如周舍乎其免於春秋無將  
之誅幸脫漢代博陸之阨者由江左之政不綱而王氏族

黨大盛後世猥儒曲好議論雖諸葛孔明宋岳武穆猶加  
索瘢而無片語疵導誰謂公論百年而定哉千年猶不定  
者有如此又曰蘇峻之反導棄帝先出奔獨劉超一人侍  
帝及陶侃平峻導入城取故節陶侃笑曰蘇武節似不如  
是導有慙色郭默叛導懼勸帝大赦首以默爲西中郎將  
自以爲導養時晦陶侃曰是乃導養時賊也導在江東當  
三大難而猥猥如此用併及之按唐人有言秦之亡由商  
鞅左晉之亡由王導左晉江左之晉也而晉書傳論至比  
之管仲孔明謂提挈三世始終一心宜稱仲父又於劉隗  
刁協傳論謂其專行刻薄使賢宰見疎以致物情解體轉  
以激變之罪坐劉刁而導無譏焉何以爲史筆哉

## 以牛繼馬之誣

晉書元帝紀三國時張掖郡水湧寶石負圖有牛繼馬後之謠故司馬懿深忌牛氏會有將牛金者懿以鴆酒斃之至是恭王妃夏侯氏適與小吏牛氏通而生帝夏醴答曰牛繼馬後晉元與呂羸並稱非其實也當時晉屬正統元魏爲割據魏收作魏書欲以正統屬魏而黜東晉故傅會沈約宋書爲牛吏夏妃之說以蟻之耳夫邯鄲姬歸異人期始生政其爲羸氏明矣乃六國忠憤遺臣從而呂之直痛恨無道秦耳晉何辜哉按唐元行冲謂元魏昭成帝名犍繼晉受命斯卽以牛繼馬之應其說似近正可從行冲著魏典三十卷楊升菴曰今通鑑省其文云通小吏牛金

而生元帝牛金可謂枉著一死又負穢名殊可笑也

祖述劉琨陶侃溫嶠

周伯仁新亭流涕時王茂宏之語非不壯也然自是而後諸公從容江左未聞舉北伐之師者祖士雅以司州一主簿請命出師申討賊之大義遂乃信孚羣盜威懾虜挐河以南地復還晉土材畧偉矣使朝廷獎其忠勤寄以專閫之任則恢復之功旦夕可期乃國難方興主威已奪功之不成天也劉越石鎮并州撫循勞徠流民安輯當七州俱陷之餘仗義孤城力爲楮柱讀其疏至聰勸不梟臣無歸志之語慷慨激烈發人壯志與祖士雅渡江擊楫誓清中原無以異也乃因段末極之間卒致困斃亦可悲已陶

士行值清談廢事之時能以恭勤砥柱中流風習爲之一  
變在鎮四十餘年功績甚著獨其處蘇峻之亂見義不勇  
向非溫太真以大義激之必不能戎服登舟以赴君父之  
難也此固不能爲賢者諱溫太真僞結王敦實具苦心其  
以手板擊錢鳳幘妙用尤爲不測至一定王敦之難再定  
蘇峻之難洒泣登舟直以身任安危之意其與陶侃書所  
云事濟則臣主同祚不濟則灰身以謝先帝義氣凜凜使  
人激發絕裾之罪或可從末減與見讀史提要錄

### 陶潛傳

晉書陶潛傳刺史王宏慕潛甚嘗躬造焉潛稱疾不易乃  
令人候其往廬山日遣潛故人齎酒半道要之潛便引酌

野亭宏出與相見潛亦不避歡宴窮日宏要之還泊遂乘  
籃輿至州言笑賞適恬如也元牟獻之曰名嶠蜀陵陽人陶公再  
爲建威參軍劉裕幕府也忽棄去爲彭澤令未幾又棄去  
裕是時已有逆志劉穆之寤死不與九錫王宏自江北來  
首以此議諷朝廷裕遂移晉祚而宏爲吏部尙書爲江州  
刺史遂被心腹之寄旣來江州柴桑近在境內於陶公時  
惓惓焉豈非內懷前媿欲附高人勝士以自滿祓耶陶公  
未易致則使人中路具酒食候其出醉而要之庶幾一見  
斯已甚迫則亦可以見我胸懷本趣固有在豈端爲一王  
宏哉漁洋司寇謂此論前人所未發

淵明非陶侃曾孫

淵明集有贈長沙公詩其序云長沙公於余爲族祖則明與長沙桓公房非近支矣淵明又嘗爲外祖父孟府君傳言嘉娶大司馬桓公陶侃第十女亦非所以稱曾祖之詞夫稱長沙公爲族祖若淵明果侃曾孫則襲長沙公者於淵明爲曾祖之子當稱從祖於服爲小功五月不得降稱族祖明矣又晉書陶潛傳祖茂武昌太守今考侃傳子十七人惟洪瞻夏琦旗斌稱範岱九人附見於侃傳若茂亦侃子則既見於潛傳又嘗官武昌太守不可謂不顯反不見於侃傳何也或又以命子詩一篇詳述長沙勲德以爲淵明祖侃顯證不知古人重官閥凡同族有位望勲業者雖非本支悉得備述如史記司馬遷自序載入殷王司馬

邛班固漢書自序詳及侍中班伯事蹟皆非本支也顏延之與靖節同時所爲陶徵士誄亦不言系出於侃此明徵矣總之誤始于沈約宋書陶潛傳而梁昭明陶靖節傳以及南史晉書本傳遂並承其誤也夫使淵明果爲侃後則此襲長沙公者與淵明服屬甚近何得云昭穆既遠已爲路人哉此又不待辨而知者矣見洪穉存更生齋集



蠡勺編卷十一目錄

兩晉雲擾諸國

雲擾諸君多文學

慕容恪王景畧

慕容廆張茂段匹磾

宋書多徐爰舊本

宋書立傳太少

宋高祖晉之曹操

諒陰生子

齊書

齊書原本

齊書類敘法

通鑑無鬱林紀年

梁書文倣班馬

梁書編傳失檢

韋叡六朝之冠

陳書隱諱

陳高祖政尙寬簡

南北史

北魏

高允清介

崔浩國書

北齊

始用士人爲縣令

北齊後主

北周

北周制度近古

宇文護自衛

西魏北周不建號

蠡勺編卷十一

卷十一

嶺南遺

番禺 凌揚藻 譽釗撰

兩晉雲擾諸國

唐太宗晉書載記序云漢宣帝初納呼韓居之亭鄣委以

侯望始寬戎狄

先是自烏孫以西至安息諸國皆畏匈奴而輕漢甘露三年呼韓邪來朝乃咸尊漢

光武亦以南庭數萬徙入西河後亦轉至五原連延七郡

建武二十四年呼韓邪單於款五原塞願永為藩蔽扞禦北虜事下公卿議皆以為不可許耿國獨以為宜如孝宣

故事令東扞鮮卑北拒匈奴董卓之亂汾晉之郊蕭然矣

自單于入居西河種類益煩難以驅逼郭欽騰騰於武帝

迫魏武分其衆為五部大率皆居晉陽江統獻策於惠王

永熙九年

威漸徙內部維胡於邊地帝不聽江統獻策於惠王

江統預知劉石之亂作徙戎論以警時朝廷不能用

皆以

為魏處戎夷繡居都鄙請

移沙塞之表定一般周之服統則憂諸并部欽則慮在盟

津言猶自口元海已至

咸甯五年以匈奴劉淵為左部帥淵字元海漢以宗女為公主妻冒頓其

子孫冒姓劉氏

語曰失以豪釐晉卿大夫之辱也聰之誓兵東兼

齊地曜之馳旆西踰隴山

永嘉二年劉淵僭帝以其子聰為大將軍族子曜為龍驤將軍

覆沒兩京蒸徒百萬天子陵江御物分據地險迴首中原

力不能救割長淮以北大抵棄之

晉之既夷居半中原劉淵一倡并雍四起自長

淮之北無復晉土而為戰爭之場者幾二百年

胡人利我艱虞分鑣起亂晉臣或

阻兵遐遠接武效尤大凡劉元海以惠帝永興元年據離

石稱漢

永興元年劉淵據平陽稱帝子和嗣弟聰弒之自立遂攻晉弒愍帝

殺靳氏自立改號趙

後九年石勒據襄國稱趙

石勒弒也

子熙嗣為石虎所滅稱王尋僭帝號子雲嗣石虎弒之盡殺勒種而自立遷於鄴子世嗣兄遵叔之弟鑒復就遵自立時石虎又僭

帝於張氏先據河西張軌安定夷也仕晉據河西追討

嗣弟茂繼之臨終囑其姪駿世守忠順駿立有勸稱王者

駿不聽子重華嗣曜繼之兄祚篡立稱王張瑄等殺

之立元靖其叔天錫就元靖自立為苻堅所滅是歲白石勒後三十六年也重華

自稱涼王後一年冉閔據鄴稱魏後趙冉閔滅石鑒并盡

為慕容後一年苻健據長安稱秦前秦苻洪公也以議改

僞所滅後一年苻健據長安稱秦姓苻稱三余王于健嗣

據長安奔五將山姚萇殺之子丕俗帝於晉陽馮該弑之

苻登僭帝於隴東姚興弑之苻崇慕容氏先據遼東稱燕

又僭帝於遼中為乞伏乾歸所滅慕容氏先據遼東稱燕

前燕慕容廆鮮卑也遷遼東稱大單于子皝嗣稱燕是歲

王遷龍城子謁嗣據鄴僭稱帝子暉嗣為苻堅所滅是歲

自苻健後一年也僞始僭號後三十一年後燕慕容垂據

慕容垂僞子也封吳王出奔臣於苻堅太元九年苻丕

敗垂僭帝於中山子寶嗣慕容麟弑之慕容盛殺麟自

立盛又遇弑而立垂子後二年西燕慕容泓據阿房慕容

餽子也太元十年僭帝於阿房韓延弒之推段隨是歲也

乞伏國仁據枹罕稱秦西秦乞伏國仁亦鮮卑也苻堅臣大元十年自稱大單于據金城弟

乾歸嗣稱秦王遇弒子熾磐後涼呂光畧陽氏也初臣苻堅天元

也呂光據姑臧稱涼後涼呂光畧陽氏也初臣苻堅天元

超弒之立呂龍為姚興所滅後十二年慕容德據滑臺

稱南燕慕容德亦魏子也隆安二年稱燕王尋是歲也禿

髮烏孤據廉川稱南涼禿髮烏孤鮮卑別種初臣呂光隆安元年自稱西平王據廣武弟利

鹿孤嗣稱河西王傳檀利繼段業據張掖稱北涼沮渠蒙

之稱涼王為乞伏熾磐所滅段業據張掖稱北涼沮渠蒙

胡也亦呂光臣隆安元年起兵推段業為涼州牧尋後三

年李元盛據敦煌稱西涼李嵩隴西人也段業之臣隆安

沮渠蒙遜所滅後一年沮渠蒙遜殺段業自稱涼後四年

譙縱據蜀稱成都王

譙縱見列傳之末不入載記

後二年赫連勃勃據

朔方稱大夏

勃勃亦匈奴也初事姚興義熙三年稱天王於朔方以赫連為姓僭稱帝子昌嗣定繼之

為拓跋

後二年馮跋殺離班據和龍稱北燕

馮跋弑慕容熙又殺高雲

自立為北燕跋卒其弟宏殺跋子翼而自立為拓跋焘所滅

提封天下十喪其八莫不

龍旌帝服建社開枋華舜咸暨人物斯在或纂通都之鄉

或擁數州之地雄圖內卷師旅外并窮兵凶於勝負盡人

命於鋒鏑其為戰國者一百三十六載抑元海為之慨首

云

僭竊諸國端緒紛煩惟唐太宗皇帝序言得其大要用利取裁記畧箋何下其未盡協者則以行文驅駕自不

若載記之名紀本末為明哲也

### 雲擾諸君多文學

晉載記僭偽諸君非中國人亦多文學者劉淵少好學習

毛詩京氏易馬氏尚書左氏春秋孫吳兵法史漢諸子無  
不綜覽嘗鄙隨陸無武絳灌無文一物不知以爲君子所  
恥其子劉和亦好學習毛詩左氏春秋鄭氏易和弟宣師  
事孫炎沈精積思不舍晝夜嘗讀漢書至蕭何鄧禹傳未  
嘗不反覆詠之劉聰幼而聰悟博士朱紉十奇之年十四  
究通經史兼綜百家之言工草隸善屬文著述懷詩百餘  
篇賦頌五十餘篇劉曜讀書志於廣覽不精思章句亦善  
屬文工草隸小時避難從崔岳質通疑既即位立太學  
於長樂宮立小學於未央宮簡民間俊年五百人選朝  
廷宿儒教之慕容覬尚經學善天文即立後立東庠於舊  
宮賜大臣子弟爲官學生親自臨講太上章以代急



就又著典誠十五篇以教胄子慕容儁亦博觀圖書後慕容寶亦善屬文崇儒學苻堅八歲向其祖洪請師就學洪曰汝氏人乃求學耶及長博學多才藝既卽位一月三臨太學謂躬自獎勵庶周孔之微言不墜諸非正道者悉屏之自永嘉之亂庠序無聞至是學校漸興苻堅長而折節博覽書傳姚興爲太子時與范昂等講經籍不以兵難廢業時姜龕淳于岐等皆著儒碩德門徒各數百人與聽政之暇輒引龕等講論姚泓博學善談論尤好賦詠王尙段章以儒術胡義周夏侯稚以文學皆嘗游集淳于岐疾興親往問疾拜於牀下李流少好學李庠才兼文武曾舉秀異科沮渠蒙遜博涉羣史曉天文赫連勃勃聞劉裕遣使

來預命皇甫徽爲答書默誦之召裕使至前口授舍人爲書裕見其文曰吾不如也此皆生於戎羌以用武爲急而仍兼文學如此人亦何可輕量哉見歐北創記

慕容恪王景畧

慕容恪近乎王王景畧近乎霸恪頗得諸葛孔明意景畧已不亞龐士元矣當六朝時英雄輩出在南則桓溫劉裕在北則劉淵石勒苻洪姚襄慕容垂拓跋珪高歡宇文泰皆有蓋世之才而不善用之卒之弑君篡國塗毒生靈無所不至惟此二人者爲能自愛其才而以劉淵石勒諸人之所爲爲恥故建功立名酬其夙志亦庶幾始終皎然無復瑕類者恪身分尤高託孤寄命大節不可奪其諸古之

所謂社稷臣者景畧差覺發揚蹈厲唐宋而後如姚元之張乖崖猶爲近之

慕容廆張茂段匹碑

高沙夏氏曰晉之渡江也國勢如累卵幽并青兗雍豫皆爲敵所據衣冠華胄相率投降各鎮亦擁兵自固坐視陸沈未聞有勤王之舉惟前燕慕容廆在遼左前涼張茂在涼州皆間關萬里浮海越山稟承正朔不改初節段匹碑播越燕齊之間死生奉晉後爲石虎所執挫抑百端終不見屈秉持晉節以至見殺此三人者忠貞之志可貫金石中土士對此不當愧死耶

宋書多徐爰舊本

宋書本紀列傳七十卷志三十卷齊太子家令吳興沈約  
於永明中兼著作郎奉勅撰館閣書目謂其志兼載魏晉  
失於限斷有上及太康者上及黃初者更有上及永平者  
揆以班馬史體未足爲疵獨其所創符瑞一志不經且無  
益其贊實甚矣歐北趙氏曰沈約於齊永明五年奉勅撰  
宋書次年二月卽告成共紀志列傳一百卷古來修史之  
速未有若此者今按其自序而細推之知約書多取徐爰  
舊本而增刪之者也宋著作郎何承天已撰宋書紀傳止  
於武帝功臣其諸志惟天文律厯此外悉委山謙之謙之  
亡詔蘇寶生續撰遂及元嘉諸臣寶生被誅又以命徐爰  
爰因蘇何二本勒爲一史起自義熙之初迄於大明之末

其臧質魯爽王僧達三傳皆孝武所造惟永光以後至亡

國十餘年記載並闕今宋書內永光以後紀傳蓋約之所

補也自註王智深傳約多載宋明帝鄧貞事武帝謂曰我昔經事明帝卿可思諱惡之義於是多所刪除可見

明帝以後紀傳皆約所撰其於爰本稍有去取者爰本有晉末諸臣及

桓元等諸叛賊并劉毅等與宋武帝同起義者皆列於宋

書約以為桓元焦縱盧循身為晉賊無關後代吳隱郝僧

施謝混義止前朝不宜入宋劉毅何無忌諸葛長民魏詠

之檀憑之志在匡晉亦不得謂之宋臣故概從刪除是約

之所刪者止於此數傳其餘則皆爰書之舊是以成書者

此之易也自註徐爰傳爰雖因前作而專為一家之書起元義熙為王業之始載序宜力為功臣之斷于

是內外傳議或謂宜以義熙元年為斷或謂宜以元興三年為斷詔曰項籍聖公編錄二漢前史已有成例桓元傳

宜在宋典餘如爰議是可見爰舊本體例也

余向疑約修宋書凡宋齊革易之

際宜爲齊諱晉宋革易之際不必爲宋諱乃爲宋諱者反甚於爲齊諱然後知爲宋諱者徐爰舊本也爲齊諱者約所補輯也人但知宋書爲沈約作而不知大半乃徐爰作也觀宋書者當於此而推之自註何尚之何偃之父也乃在六十六卷可見宋書時日促迫倉猝編排前後亦不暇審訂

### 宋書立傳太少

史書立傳原無取乎太多如漢書一部除王子外共只二百四十餘人未嘗非良史也宋書則蕪詞太多而立傳又太少如汝南太守陳憲當魏太武來攻懸孤城憲悉力拒守殺賊屍與城平賊藉而上又以短兵拒擊凡四十餘日

乃退又參軍劉泰之以千餘騎襲魏師轉戰數百里殺三  
千人及敗不屈死青州刺史竺靈夔守東陽拒魏師瀕危  
者數四卒能完城徐州刺史王仲德守虎牢魏軍攻圍凡  
二百日檀道濟等不敢救乃陷於敵終不屈後死於魏此  
皆將帥中之忠勇者何妨各立一傳乃憲僅附見於南平  
王鑠傳泰之等僅附見於索虜傳何也鮑照文才爲當時  
第一宋書旣無文苑傳何不立於列傳乃亦僅於臨川王  
義慶傳內附見之旣附於義慶傳矣又全載其河清頌一  
篇累幅不盡不幾喧客奪主乎文帝潘淑妃最有寵自元  
皇后薨後六宮無主潘總攝內政其子濬恃寵怙惡帝將  
賜之死漏言於妃妃以告濬遂促成元凶劭弑逆之旣此

豈得不載而宋書并無潘淑妃傳尤見疏漏而八志中邵  
增符瑞一門徒滋荒誕且又不專記劉宋一代并舉義農  
以來所傳怪異不經之事臚列不遺更謬悠矣見陔餘叢考

宋高祖晉之曹操

劉寄奴龍行虎步瞻視不凡爲當世所推真一世之雄也  
討桓元破盧循滅燕滅秦皆自專征伐不待詔命雖功業  
燦著而無君之心行道皆知之矣魏崔浩曰劉裕之平禍  
亂司馬德宗之曹操也德宗晉安帝字也後果令王韶之  
縊安帝於東堂恭帝雖立未幾篡廢之爲零陵王以兵守  
之復置之死地而後已則操懿之奸亦未至此甚者

諒闇生子



宋文帝卽位後生元凶劭時上猶在諒闇故祕之二年閏

正月方云劭生自前代以來未有人君卽位皇后生太子

者惟殷帝乙旣踐阼正妃生紂至是又有劭焉見宋書二

凶傳徐健菴曰服內生子不孝之大世之稍有人心者莫

不以爲不可

唐律居父母喪生子者徒一年

而明太祖乃獨去之論者謂

商之帝辛宋之元凶劭明之武宗皆服內所生故終至悖

戾而傾覆是則縱情背禮之事古固有之要所生必不肖

之子非但得罪於名教并且貽阨於邦家亦可爲世之殷

鑒矣明祖因己之多欲反詆古禮爲不情

見孝慈錄序

於是律

文亦刪去之而世之蕩軼禮法者益放縱而不可禁矣公

羊子論喪娶以爲有人心者宜於此焉變矣愚於服內生

子亦云

齊書

曾南豐上南齊書表言八紀十一志

禮樂天文州郡百官輿服祥瑞五行八志

中分禮二天文二

州郡二故云十一四十列傳合五十九篇梁蕭子顯撰文

獻通考直齋書錄解題亦言五十九卷而梁書子顯本傳稱六十卷豈子顯嘗爲自序附入後乃削之耶先是建元二年置史館命檀超江海掌其職功未就而超卒淹乃撰成之是齊舊有國史也又有豫章熊襲著齊典吳興沈約著齊紀吳均著齊春秋俱見各本傳則子顯之書亦本諸家之舊成之耳子顯豫章王疑之孫史稱其恃才傲物卒謚曰驕其自序有云余爲邵陵王友忝還京師遠思前比

卽楚之唐宋

唐勒宋玉

梁之嚴鄒

嚴安鄒陽前漢梁孝王客

追尋平生頗好

辭藻雖在名無成求心已足若乃登高目極臨水送歸風

動春朝月明秋夜早雁初鴈開花落葉有來斯應每不能

已也故南豐謂子顯之於文喜自馳騁其更改破析刻雕

藻績之變尤多而其體益下況天文但紀災祥州郡不著

戶口祥瑞多載圖讖也哉

### 齊書原本

齊書檀超傳齊初置史官超與江淹充其選上表請立條例謂封爵詳本傳無煩年表應立十志律厯禮樂天文五行郊祀刑法藝文依班固朝會輿服依蔡邕司馬彪州郡依徐爰百官依范蔚宗并請立帝女處士列女傳詔內外

詳議王儉謂宜增食貨省朝會而帝女傳不必立超史功未就而卒淹撰成之然則蕭子顯所撰齊書蓋本超淹之舊而刪訂成之也然齊書但有禮樂天文州郡百官輿服祥瑞五行八志食貨藝文刑法仍缺見陔餘叢考

### 齊書類敘法

趙耘崧曰齊書比宋書較爲簡淨豫章王疑及竟陵王子良二傳過爲鋪張此另有他意他如劉善明傳所陳十一事皆櫟括其語載之張欣泰傳所陳十二事只載其一條若宋書則必全載矣孝義傳用類敘尤爲得法蓋人各一傳則不勝傳而不立傳則竟遺之故每一傳輒類敘數人如褚澄傳敘其精於醫而因敘徐嗣醫術更精於澄韓靈

敏傳敘其妻卓氏守節而因及吳康之妻趙氏蔣雋之妻黃氏倪翼之母丁氏傳不多而人自備載惟張敬兒傳忽載沈攸之與蕭道成絕交書及蕭道成答書共三千餘字與敬兒關涉者不過攸之反間敬兒敬兒不從數語耳而觀縷至此未免喧客奪主又柳世隆傳討沈攸之時有尙書符檄一篇按宋書沈攸之傳亦有尙書符檄一篇其文又不相同此不可解也又曰類敘之法本起於班固漢書如鮑宣傳後厯敘當時清名之士紀遵王思薛方郇越唐林唐尊蔣詡栗融禽慶蘇章曹竟等貨殖傳後類敘樊嘉如氏苴氏王君房豉樊小翁等其後范蔚宗後漢書董卓傳敘李傕郭汜張繡等公孫瓚傳敘閻柔鮮於輔等陳壽

三國志王粲傳後敘一時文人徐幹陳琳阮瑀應瑒劉楨  
及阮瞻稽康等衛覲傳後敘潘勗王象等劉劭傳後敘繆  
襲仲長統蘇林韋誕夏侯惠孫該杜摯等此本古法也齊  
書之後梁書亦有此類敘法如滕曇恭傳因曇恭之孝而  
并及於徐普濟被火伏棺之事又因普濟之孝而并及宛  
陵女子搏虎救母之事又如敘何遜工詩而因及會稽虞  
騫孔翁歸江避等俱能詩皆此法也以後惟明史用之最  
多

通鑒無鬱林紀年

李敬齋曰齊武帝孫鬱林王昭業太子長懋之子也武帝  
永明十一年七月立明年七月西昌侯鸞廢之鸞卽明帝

也鬱林立者凡一年雖淫昏不道而正君臣之位者亦已  
期矣通鑑以前半年爲永明後半年爲建武沒不見鬱林  
之號鬱林改元隆昌恐未爲得前半年屬之永明固也後半年沒  
而不舉何哉鬱既廢昭業復立其弟昭文而鬱又自改封  
宣城王冬十月鬱又廢昭文爲海陵王海陵王卽位厯四  
月海陵改元延興於十一月鬱又廢之而自立跡齊明之廢立在  
此一年以此年稱爲建武元年者蓋鬱志耳然槩諸子奪  
之權若此等類自當分其年爲上下但使紀年雙舉行事  
並列雖繫諸建武之元亦無傷也今一徇鬱志而置踰年  
之君於無人之地甯不爲史筆之累哉

梁書文倣班馬

蠡勺編卷十一

十一

梁書五十六卷貞觀三年姚思廉

原名簡以字行

受詔與魏徵共

撰先是思廉之父察爲梁史官嘗修梁陳二史未成以屬思廉至是乃推父意又采謝炅顧野王等諸書成二書以卒父業徵惟著總論而已趙甌北劄記謂雖全據國史而行文則自出鑄鍾直欲遠追班馬蓋六朝爭尙駢儷卽序事之文罕有用散文單行者梁書則多以古文行之如韋叡傳敘合肥等處之功昌義之傳敘鍾離之戰康絢傳敘淮堰之作皆勁氣銳筆曲折明暢一洗六朝蕪冗之習南史雖稱簡潔然不能增損一字也至諸傳論亦皆以散文行之魏鄭公總論猶用駢偶此獨卓然傑出於駢四儷六之上則姚廉父子爲不可及也世知六朝之後古文自昌



黎始而豈知姚察父子已振於陳隋之間哉史稱察至孝  
有人倫鑒學藝優博操行清修所著漢書訓纂三十卷說  
林十卷西聘玉璽建康三鍾等記各一卷文集二十卷

梁書編傳失檢

趙甌北曰古未有創業之君其母編入皇后傳者自沈約  
宋書始梁書亦因之武帝卽位追尊其父順之爲文皇帝  
母張氏爲獻皇后於是皇后傳內首列張后然順之官職  
事蹟已敘入武帝紀未嘗另作紀傳則張后生武帝有薑  
蒲花之祥亦卽敘於武帝紀可矣乃特立一傳於諸后之  
首是妻有傳而夫無傳殊非史法又武帝兄弟九人應立  
爲宗室傳如宋書之長沙王道憐臨川王道規是也梁書

乃變其例編爲太祖五王及嗣王四人按太祖本武帝追崇其父之稱非及身爲帝者而以其子係之已屬位置失宜既係之於太祖矣則長沙王懿太祖長子也自應敘在太祖諸子之首其餘衡陽王暢永陽王敷桂陽王融亦應以次敘入總爲太祖九王乃以其沒於齊朝遂不爲立傳而轉附見於其子嗣王傳內其意以臨川王宏安成王秀南平王偉鄱陽王恢始興王憺皆武帝登極後身受王封故列爲太祖五王懿暢敷融則身後追封者故但傳其嗣子以別於生封五王耳然此九王皆太祖子也皆武帝所封也五人則係之於父四人則係之於子強爲區別究屬無謂既不立宗室傳矣而吳平侯景武帝從弟也不便附

於太祖諸子內又別無可位置只得另立一蕭景傳一似同姓不宗者此蓋皆國史舊編之次第國史本武帝時所修以諸王皆武帝親兄弟若作宗室傳轉似推而遠之故修史者創爲此例而不知轉多窒礙也姚思廉修梁書時已朝代革易自應改正乃亦仍原書體例何也南史盡入之宗室傳較得矣

### 韋叡六朝之冠

南史普通元年梁車騎將軍韋叡卒諡曰嚴楊氏慎曰六朝人才韋叡爲冠司馬溫公謂其臨陣也勇其執事也敬其律已也廉其與人也惠其居官也明功成而退明哲保身齊梁之世乃有若人耶是時武帝方銳意釋氏天下從

風而靡而叡獨不與嗚呼叡亦豪傑之士哉

### 陳書隱諱

陳書六本紀三十列傳凡三十六卷唐散騎常侍姚思廉撰思廉父察爲梁陳史官錄二代事未就而陳亡隋文帝見察甚重之每就察訪梁陳故事又未就而察死將死屬思廉以繼其業唐武德五年思廉受詔爲陳書久之猶不就貞觀三年遂詔論撰於祕書內省十年正月始上之趙甌北曰陳書於武帝之進公爵封十郡加九錫進王爵封二十郡建天子旌旗以及梁帝禪位遜於別宮陳武奉梁主爲江陰王行梁正朔次年江陰王薨喪葬如禮一一特書絕不見有逼奪之跡此固仿照前史格式當時國史本

是如此姚察父子固不能特變其體也第本紀所諱者恃

有列傳散見其事乃衡陽王昌本武帝子陷於周末回武

帝崩從子文帝卽位而昌始歸文帝使侯安都往迎而溺

之於江南史本紀旣但書衡陽王昌薨而昌傳亦但書

濟江中流船壞以溺薨卽侯安都傳亦但云昌濟漢而薨

自註南史昌傳謂濟江於中流殞之使以溺告初不見有被害之迹也始興王伯

茂乃廢帝伯宗之弟與伯宗同居宮中伯宗爲宣帝所廢

伯茂出就第宣帝遣盜殞之於途陳書伯茂傳但謂路遇

盜殞於車中亦隱約其辭不見被害之迹也不特此也劉

師知爲陳武害梁敬帝入宮誘帝出帝覺之遶牀而走曰

師知賣我師知執帝衣行事者加刃焉自註見南史此則師知

弑逆之罪上通於天何得曲爲之諱乃陳書師知傳絕無一字及之但敘其議大行靈前俠御不宜吉服一疏并載沈文阿徐陵謝岐蔡景厯劉德藻等各議共三千餘字敷衍成篇以見師知議禮之獨精此豈非曲爲迴護耶又虞寄本梁臣侯景之亂遁回鄉里流寓晉安陳寶應厚待之梁元帝除寄中書侍郎寶應畱不遣後陳武代梁寶應有異志寄懼甌及不受其官嘗居東山著居士服此不過知幾能遠害耳其於陳武未嘗有君臣之分也若以報韓爲心正應佐寶應拒陳武乃反爲書勸寶應臣於陳武書中并稱陳武曰主上曰今上以自托於班彪王命論試思彪本漢臣故宜歸心於漢寄非陳臣何必預附於陳當其不仕

寶應尙不失爲潔身遠害及其推戴陳武適形其望風迎合而已而陳書專以此爲寄立傳且詳載其書千餘字欲以見其卓識高品亦思寄之於陳武有何分誼而汲汲推奉耶蓋姚察父子本與劉師知及寄兄協同官於陳入隋又與荔之子世基世南同仕遂多所贈徇而爲之立佳傳也南史於師知傳明書其事洵爲直筆而寄傳亦全載其勸寶應書又無識之甚矣

陳高祖政尙寬簡

鄭元慶芷畦曰陳霸先以疎逖外臣三年之內輒遷梁祚甯有殊智巧哉直以義師討賊急君父之難庶幾有慷慨風烈耳且誓不殺一人以代梁故子孫入隋亦不遭誅戮

天之報施善人固如此也改玉以來又能奉身儉約爲政寬簡具倜儻服眾之才明孤虛遁甲之術過舉甚少惟不任宰相萬幾之眾獨委共事之武夫五六人刑政百未一舉躬蹈捨身而致絕嗣位歸兄子事佛何益其亦梁武之儔與

### 南北史

南史八十卷北史一百卷唐崇賢館學士鄴人李延壽撰延壽父大師隋渤海郡主簿嘗以宋齊梁陳魏齊周隋天下分隔南謂北爲索虜北指南爲島夷諸史詳畧皆美失實思擬吳越春秋編年刊正未就而卒延壽旣數與論撰乃追成先志以馬遷體例總序八代起魏登國元年盡隋



義甯二年

凡二百四十四年兼自東魏天平元年盡齊隆化二年又四十四年

作本紀十二

列傳八十八爲北史起宋永初元年盡陳貞明三年

凡一百七

十作本紀十列傳七十爲南史唐書本傳稱其頗有條理

刪落釀辭過原書遠甚其進表畧云北朝自魏而降南朝

自宋以還史牒之同異繁多非修明何以示勸臣幸生景

運貞觀以來屢叨史局不揆愚固私爲修撰連綴改定止

資一手故淹時序一十六年鳩遺逸以廣異聞編別代共

爲部秩雖疎野遠慙先哲而披求所得竊謂詳盡焉故是

書刪繁補闕兼綜條貫卓有可稱倘更去其襍祥詼嘲諸

瑣屑而復采各書之志以分人其中斯爲完史矣

北魏

北魏黃帝之後昌意少子受封北國國有大鮮卑山因以

爲號傳至毛始大毛傳二十七世至什翼犍會苻秦來伐

部落分散犍孫拓跋珪

北方謂土爲拓謂后曰跋因以爲氏至孝文帝宏又改爲元氏復

自立爲代王遷都平城於晉安帝隆安二年僭稱道武皇

帝廟號世祖改國號曰魏百度修舉衣冠文物之盛煥乎

可觀

謂諸州坑沙門毀佛像固屬快舉然坑之亦太過孝文時詔沙門不得去寺行者以公文旣使游僧不得

自由又可隱杜姦

此可爲後世法傳十三世計一百五十年至後廢帝朗

以疎遠遜之高歡歡立孝文帝宏之孫修尋爲歡所逼奔

依宇文泰自是魏土裂而爲二字文泰奉孝武帝

即修又號出帝

入長安是爲西魏高歡別立孝靜帝

名善見

都鄴是爲東魏

其後西魏禪於周東魏禪於齊與江左數世易主若出一

蘇嘉東魏一世止十七年自修出奔歡立善見於洛陽篤  
好文學從容沈雅究無補於敗亡既禪位高洋未幾被弑  
時梁大寶元年也西魏三世計二十二年自修出奔軍國  
大事悉歸宇文泰泰弑修而立寶炬僭稱文帝傳欽稱廢帝  
仁及廓稱恭帝復爲宇文泰所弑卽爲宇文覺所滅時陳  
永定元年也

### 高允清介

夏醴谷曰高允好切諫爲郎二十七年不徙官後乃爲中  
書令魏主親幸其第惟草屋數間布被緼袍廚中鹽菜而  
已清介之節爲游雅所推其薦舉賢才無間新舊厯事五  
帝出入三省五十餘年未嘗有譴元魏諸臣當以允爲第

一南朝亦無其匹是時貴臣之門並羅列顯官而允子弟皆無官爵其廢退處尤不可及郭公積笏滿牀吾不以彼易此矣

### 崔浩國書

崔浩奉詔撰國書成三十卷

高允嘗謂其以私欲沒其廉潔愛憎蔽其公直不爲無罪

是浩之作史亦如魏收之所爲矣不惟暴揚國惡也

時太史令

閔湛都標之徒

皆諂事浩請

立旨以彰直筆於是北人無不忿恚舉相譖浩以爲暴揚國惡浩被族誅浩以下一百二十八人皆夷族高允亦同領史職太子召允使言國書皆浩所爲入請赦允及允見上自言浩所領事總裁而已其間著作臣多於浩魏主欲誅之太子爲解允又曰臣罪當族誅不敢虛妄殿下哀臣

欲勾其生耳魏主曰直哉此人情所難遂赦之半舫夏氏  
曰載筆記言固當據事直書以存史體然誼關君父詎有  
刊之於石列之於市直播其惡而無所忌者不幾以證父  
攘羊爲董狐耶孔子作春秋爲尊者諱爲親者諱世不以  
爲諛也浩但知賣直其嬰滅族宜矣至允不受太子指導  
直任其罪且云著述臣多於浩真人情所難其後魏主復  
謂太子曰無此人忿朕當有數千口死者矣夫太武不嫌  
其忿而轉爲數千人幸固不失爲賢主若允則惟不自恤  
其死乃能救人之死仁人之言所全顧不大哉

### 北齊

北齊高洋懷朔人也其七世祖隱爲晉元菟太守因世居

之父歎

僭追稱神武帝

仕魏誅爾朱氏執國柄兄澄

僭追稱文襄帝

為盜

所殺洋即遷魏祚

僭稱文宣帝

因三方鼎峙繕城郭修甲兵宇

文泰見其軍容整肅歎曰高歡不死矣僭位後自矜功業

沈湎酣歌未幾暴卒

帝嘗問泰山道士曰吾得為幾年天子曰得三十年帝謂李后曰十年十

月十日得非三十乎後果以天保十年十月十日崩先是命邢邵為其子制名擬名

殷字正道洋曰殷家弟及正字一止吾死兒其不能立乎

此天也他日謂弟演曰奪時勿殺殷立

僭稱廢帝

不一年演果

殺之自立

演僭稱孝昭帝

止兩載遇暴疾傳弟湛

僭稱武成帝

湛因彗星

見傳子緯

僭稱後主

縱侈敗度邊塵告急羣嬖竄身國事付之

幼子恆

僭稱幼主

周師追迫卒赤其族北齊起於高歡盛於高

澄高洋篡魏傳六世僅二十八年并於北周而北齊亡

始用士人爲縣令

後主緯天統二年丙戌綱目書齊始用士人爲縣令魏末以來縣令多用廝役由是士流恥爲之齊僕射元文遙以爲縣令治民之本遂請革選密擇貴游子弟發勅用之悉召集神武門令趙郡王叡宣旨慰諭而遣之士人爲縣令自此始書始用士人非美之也正以見前此未嘗用士人耳

北齊後主

後主緯爲無愁之曲自彈琵琶唱之音韻窈窕極於哀思民間謂之無愁天子與陳之奈何帝相彷彿陳後主窮極奢侈蔣山衆鳥鼓翼而稱奈何帝又宮婢封郡君奇矣馬稱儀同雞號開府則更

出人意表迨平陽已陷馮淑妃請更獵一園禽荒色荒兼而有之爲周所滅不亦宜乎

北周

北周宇文覺代郡人其始祖葛烏菟有孫普回得黃帝玉

璽建國號宇文北俗謂天子爲宇文又因以爲氏十三世

生泰仕魏進封周王

僭追稱文帝

子覺嗣位年十五從兄護移

魏祚授之

僭稱孝閔帝

自恃強果欲圖殺護卒爲護弑護旣弑

覺立覺之庶兄毓

僭稱明帝

而大權仍總於護毓苦護逼當易

簣時舍子立弟邕

僭稱武帝

邕遂能誅護報兄讐以正王法而

又尊儒術斥異端省妃嬪崇節儉

武帝智深勇沈厲精圖治旣親率六軍頻年講

武又合民同以時嫁娶務遵朴儉蓋數年之間平齊土而

隱用生聚教訓之法每飯不忘齊也



擒高緯亦英主也子贊爲世子時已多失德及嗣位宣帝稱

極意逞志自號天元皇帝兇暴弗堪傳子闡靜帝稱僅七歲

后父楊堅廢之爲介公尋弑之宣帝崩劉昉等矯詔以楊

不從及堅索符璽復正色呵之自宇文泰握魏柄二十餘

載至子覺僭位未久兄弟被弑歷五世止二十五年族滅

于隋

### 北周制度近古

讀史提要錄曰北周制度頗近古蘇綽亦間世異才其請

作府兵復官制皆井井有條今之論府兵者咸以爲李唐

之制唐書凡府三等兵千二百人爲上千人爲中八百人

下設屬各有差平居無事則更番宿衛京師有事則命將

以出事解輒罷兵散於府耕於野而將歸於朝故士不失

業而將帥無不知始於綽所建議也農隙講武猶有三代  
握兵之重遺意

### 宇文護自衛

夏氏之葬曰宇文泰駕馭英雄致有遠畧及臨死託孤宇文護遂致二子被殺幸立武帝能除之耳蓋宇文泰之爲賊與高歡不同歡明目張膽公然作賊泰卻藏頭露尾猶若顧畏名義未弑君之先泰正也歡賊也既弑君之後則泰之罪浮於歡矣至護則純任鱗直殊不似有篡奪之心使護而欲篡當日自可以不立覺即立覺之後亦自可以不立毓立邕其所以迭弑二君者正恐我不圖人人將圖我自衛之計爾

西魏北周不建號

西魏拓跋氏自廢帝欽及恭帝廓皆無年號其時宇文泰  
當國專用周禮稱天王但紀元年二年不設號北周孝閔  
帝宇文覺禪代之後亦因之至明帝毓三年用崔宣猷奏  
乃從之建號武成是自魏末壬申梁世祖永  
聖元年至周初己卯  
陳高祖永  
定三年無年號者凡八年也

蠡勺編卷十一

主

蠡勺編卷十一

譚瑩玉生覆校